

PERCATURAN

MENJADI

Kuala Lumpur

Ketika harapan ingin menyaksikan barisan atlet 4x100 meter lelaki negara mencipta kejayaan di Kejohanan Olahraga Terbuka Thailand, kuartet wanita negara pula mencuri tumpuan.

Percaturan menurunkan Shereen Samson Vallabouy selaku pelari pertama diikuti Siti Fatimah Mohamad, Komalam Shally dan Zaidatul Husniah Zulkifli membuah hasil apabila merangkul emas dan paling manis memadamkan rekod lama di Terbuka Singapura, April lalu.

Malaysia merekodkan 45.19 saat untuk meleburkan rekod lama 45.32s yang dilakukan mereka di Terbuka Singapura, April lalu. Perak dimenangi kuartet Thailand (45.29s) dan gangsa milik Singapura (45.65s).

Jurulatih pecut wanita negara, M Balamurugan (*gambar*) berkata, beliau terpaksa menukar percaturan apabila tidak mengekalkan kuartet sama ketika di Terbuka Singapura yang Siti Fatimah, Zaidatul Husniah, Nurul Faizah Asma Mazlan dan Komalam.

"Saya membuat sedikit

Strategi Balamurugan berjaya cipta rekod kebangsaan

HARIAN METRO 16/6/2017 p-83



pertukaran dengan menurunkan Shereen bagi menggantikan tempat Faizah kerana masa dilakukan Shereen tahun ini lebih bagus.

"Saya gembira kerana percaturan membuah hasil apabila berjaya memecahkan rekod kebangsaan. Tah-

niah buat mereka," katanya.

Malah Balamurugan meluahkan keyakinan barisan atlet negara itu akan dapat memperbaiki prestasi masing-masing menjelang Sukan SEA 2017

4X100M WANITA

| REKOD KEBANGSAAN | |
|------------------|--------|
| Rekod baru | 45.19s |
| Rekod lama | 45.32s |
| SUKAN SEA 2015 | |
| Emas | 44.27s |
| Perak | 44.77s |
| Gangsa | 45.41s |

Kuala Lumpur, Ogos ini.

Sementara itu nasib berbeza dialami kuartet lelaki apabila menamatkan saingan di tempat ketiga di belakang Thailand dan Hong Kong.

Kuartet yang dibarisi Jonathan Nyepa, Badrul Hisyam Abdul Manap, Mohamad Aqil Yasmin dan Khairul Hafiz Jantan mencatatkan 40.02s manakala Thailand, (39.45s) dan Hong Kong (39.84s).

Bagaimanapun peluang masih terbuka buat barisan pelari negara yang mempunyai baki pertandingan iaitu Kejohanan Trek dan Padang Asia di India dan Terbuka Malaysia sebelum Sukan SEA bermula.



Zaidatul (dari kiri), Komalam, Siti Fatimah, Shereen puas dengan pingat emas masing-masing.